

A C C E S O UNIVERSIDADE MAIORES DE 25 A N O S

2018



ALUMNADO QUE PODE PRESENTARSE Á PROBA

O alumnado que reúna os requisitos esixidos polo Real Decreto 412/2014, do 6 de xuño (BOE de 7 de xuño) poderá acceder a ensinanzas universitarias oficiais de Grao mediante a superación desta proba de acceso. Soamente poderán concorrer á devandita proba, **as persoas maiores de 25 anos de idade no ano natural no que se celebre a proba, que non posúan ningunha titulación académica** (Bacharelato ou equivalente, Técnico Superior de Formación Profesional, etc.) **que dea acceso á universidade por outras vías.**

ESTRUTURA DA PROBA

A Proba de Acceso á Universidade estruturarase en dúas fases: Xeral e Específica (Artigo 12 do RD 412/2014).

FASE XERAL

A Fase Xeral (Artigo 12.2 do RD 412/2014) terá como obxectivo apreciar a madurez e idoneidade dos candidatos/as para seguiren con éxito estudos universitarios, así como a súa capacidade de razoamento e de expresión escrita.

Comprenderá catro exercicios:

- 1º *Exercicio* **Comentario dun texto** ou desenvolvemento dun **Tema Xeral de Actualidade**.
- 2º *Exercicio* **Lingua Castelá.**
- 3º *Exercicio* **Lingua Galega.**
- 4º *Exercicio* **Lingua estranxeira**, elixible entre: **Alemán, Francés, Inglés, Italiano ou Portugués.**

FASE ESPECÍFICA

A **Fase Específica** (Artigo 12.3 do RD 412/2014) terá por finalidade valorar as habilidades, capacidades e aptitudes dos candidatos/as para cursaren con éxito as diferentes ensinanzas universitarias vinculadas a cada unha das ramas do coñecemento en torno ás que se organizan os estudos universitarios oficiais de Grao.

A **Fase Específica** estruturarase nas **cinco opcións** seguintes vinculadas coas cinco ramas do coñecemento:

OPCIÓN A: Artes e Humanidades.

OPCIÓN B: Ciencias.

OPCIÓN C: Ciencias da Saúde.

OPCIÓN D: Ciencias Sociais e Xurídicas.

OPCIÓN E: Enxeñaría e Arquitectura.

A **Fase Específica** constará de **dúas materias obrigatorias para cada opción e unha materia optativa** para escoller polo alumnado no momento de matricularse entre as materias que se ofertan para cada opción.

OPCIÓN	OBRIGATORIAS	OPTATIVAS
A Artes e Humanidades	<ul style="list-style-type: none"> Historia da Arte Xeografía 	<ul style="list-style-type: none"> Debuxo Artístico Latín Literatura Universal Volume
B Ciencias	<ul style="list-style-type: none"> Matemáticas Química 	<ul style="list-style-type: none"> Bioloxía Ciencias da Terra e Ambientais Física
C Ciencias da Saúde	<ul style="list-style-type: none"> Bioloxía Química 	<ul style="list-style-type: none"> Ciencias da Terra e Ambientais Física Matemáticas
D Ciencias Sociais e Xurídicas	<ul style="list-style-type: none"> Historia do Mundo Contemporáneo Matemáticas Aplicadas ás Ciencias Sociais 	<ul style="list-style-type: none"> Economía da Empresa Literatura Universal Xeografía
E Enxeñaría e Arquitectura	<ul style="list-style-type: none"> Física Matemáticas 	<ul style="list-style-type: none"> Ciencias da terra e Ambientais Debuxo Técnico Química

Os candidatos/as deberán realizar a Fase Específica na opción da súa elección, no caso de empate **corresponderalles preferentemente, a efectos de ingreso**, aquelas ensinanzas universitarias oficiais de Grao ofertadas polas universidades que estean vinculadas a cada unha das opcións.

Para a realización dos exercicios (Artigo 12.7 do RD 412/2014), os candidatos/as poderán empregar, á súa elección, calquera das linguas oficiais da Comunidade Autónoma. Os exercicios correspondentes a Lingua Castelá, Lingua Galega e Lingua Estranxeira deberán desenvolverse nas seus respectivos idiomas.

Na solicitude de matrícula, os candidatos/as deberán sinalar a lingua estranxeira elixida para a Fase Xeral, así como a opción e a materia optativa elixida para completar a Fase Específica.

CONVOCATORIA DA PROBA: 3 e 10 de marzo

O Sistema Universitario de Galicia realizará anualmente unha convocatoria de Proba de Acceso para Maiores de 25 Anos, para cada unha das ramas nas que se oferten ensinanzas.

As **probos** realizaranse o **sábado día 3 de marzo** e o **sábado día 11 de marzo**, a partir das 8:30 horas, na **Facultade de Dereito** da Universidade de Santiago de Compostela (Campus Universitario Sur), de acordo co seguinte horario:

FASE XERAL

SÁBADO 3 DE MARZO DE 2018	
MAÑÁN	
8:30 h.	<ul style="list-style-type: none"> Presentación do alumnado
9:00 – 10:30 h.	<ul style="list-style-type: none"> Comentario dun texto ou desenvolvemento dun Tema Xeral de Actualidade
10:30 – 11:00 h.	Descanso
11:00 – 12:30 h.	<ul style="list-style-type: none"> Lingua Castelá
12:30 – 13:00 h.	Descanso
13:00 – 14:30 h.	<ul style="list-style-type: none"> Lingua Galega
TARDE	
17:00 – 18:30 h.	<ul style="list-style-type: none"> Lingua Estranxeira

FASE ESPECÍFICA

SÁBADO 10 DE MARZO DE 2018	
MAÑÁN	
8:30 h.	<ul style="list-style-type: none">• Presentación do alumnado
9:00 – 10:30 h.	<ul style="list-style-type: none">• Debuxo Técnico• Economía da Empresa• Química• Xeografía
10:30 – 11:00 h.	Descanso
11:00 – 12:30 h.	<ul style="list-style-type: none">• Historia da Arte• Matemáticas• Matemáticas Aplicadas ás Cc. Sociais
12:30 – 13:00 h.	Descanso
13:00 – 14:30 h.	<ul style="list-style-type: none">• Bioloxía• Debuxo Artístico• Latín• Volume
TARDE	
16:30 – 18:00 h.	<ul style="list-style-type: none">• Ciencias da Terra e Ambientais• Literatura Universal
18:00 – 18:30 h.	Descanso
18:30 – 20:00 h.	<ul style="list-style-type: none">• Física• Historia do Mundo Contemporáneo

Os candidatos/as deberán presentarse á proba provistos/as do **Documento Nacional de Identidade ou Pasaporte**, debéndose identificar documentalmente a requirimento de calquera membro do Tribunal.

LUGAR DE REALIZACIÓN DA PROBA

Os candidatos/as **poderán realizar a proba de acceso** para maiores de 25 anos **nas universidades da súa elección, correspondéndolles con carácter preferente, a efectos de ingreso, a universidade na que superasen a proba e na rama ou ramas de coñecemento vinculadas ás opcións escollidas na Fase Específica** (Art. 12.5 e 6 do RD 412/2014)

No **caso de Galicia**, a proba organizarase pola Comisión Interuniversitaria de Galicia (CiUG) e terá lugar na **Facultade de Dereito da Universidade de Santiago**.

ALUMNADO CON ALGÚN TIPO DE DISCAPACIDADE

Para aqueles candidatos/as que, no momento da matrícula, xustifiquen debidamente algún tipo de discapacidade que lles impida realizar a proba cos medios ordinarios, a CiUG determinará as medidas oportunas que garantan que os estudantes poidan realizar tanto a Fase Xeral como a Fase Específica nas debidas condicións de igualdade.

Estas medidas poderán consistir na adaptación dos tempos, elaboración de modelos especiais de exame e a posta a disposición do estudante dos medios materiais e humanos, das asistencias e apoios e das axudas técnicas que precise para a realización da proba de acceso.

PRAZO E LUGARES DE MATRÍCULA: 22 xaneiro a 9 febreiro

O **prazo de matrícula** será o comprendido entre o luns **22 de xaneiro** ao venres **9 de febreiro**, ambos inclusive, das 9:00 ás 14:00 horas os días hábiles de luns a venres, debéndose presentar nos LERD (Lugares de Entrega e Recollida de Documentación) as instancias de matrícula unha vez baixadas da web <http://ciug.gal/PDF/impresomat25.pdf> debidamente cubertas e os demais documentos esixidos na convocatoria.

Ao facer a matrícula, o alumnado recibirá un **“Resguardo de matrícula”** que deberá conservar. Posteriormente recibirán no seu correo electrónico un **código de acceso** a aplicación informática NERTA para poder consultar as cualificacións na dita aplicación informática, facer a través de Internet a solicitude de reclamación ás cualificacións das probas, así como a solicitude de admisión (preinscrición) para cursar titulacións universitarias do SUG con límite de prazos.

CONSULTA LISTAXES DE MATRICULADOS: 23 - 24 febreiro

Os **días 22 e 23 de febreiro** poderase consultar a **listaxe de matriculados** nas probas a través da aplicación informática NERTA dende a pantalla de matrícula mediante o botón “*Ver listaxe de matrícula PAU*”.

EXENCIÓN DO EXAME DE LINGUA GALEGA

Os candidatos/as que acrediten feacemente residencia fóra de Galicia por un período ininterrompido igual ou superior aos catro últimos anos, poderán solicitar, no momento de se matricularen, a exención do exercicio de Lingua Galega.

A Comisión Interuniversitaria de Galicia (CiUG) comunicará aos candidatos/as, por correo postal con aviso de recibo, a concesión ou non da exención do exercicio de Lingua Galega.

CÁLCULO DA CUALIFICACIÓN DA PROBA

A **cualificación** (Art. 14 do RD 412/2014) **de cada un dos exercicios** expresarase **de 0 a 10 puntos con intervalos de 0,25 puntos**.

A **cualificación da Fase Xeral** será a **media aritmética dos catro exercicios** que a compoñen, expresada en forma numérica con tres cifras decimais e arredondada á milésima máis próxima e en caso de equidistancia á superior.

A **cualificación da Fase Específica** será a **media aritmética dos tres exercicios** que a compoñen, expresada en forma numérica con tres cifras decimais e arredondada á milésima máis próxima e en caso de equidistancia á superior.

A **cualificación final da Proba** será a **media aritmética das cualificacións obtidas na Fase Xeral e na Fase Específica** expresada en forma numérica con tres cifras decimais e arredondada á milésima máis próxima e en caso de equidistancia á superior. Entenderase que o/a candidato/a superará a proba cando obteña un **mínimo de cinco puntos na cualificación final**, non podéndose, en ningún caso, acadar media cando non se obteña unha **puntuación mínima de catro puntos tanto na Fase Xeral como na Fase Específica**.

PUBLICACIÓN CUALIFICACIÓN PROVISIONAIS: 8 e 15 marzo

As **cualificacións provisionais da Fase Xeral** serán publicadas o **día 8 de marzo** (a partir das 15:00 horas).

As **cualificacións provisionais da Fase Específica** serán publicadas o **día 15 de marzo** (a partir das 15:00 horas).

As cualificacións poderán consultarse no taboleiro de anuncios da CiUG, nos LERD e a través da aplicación informática NERTA.

RECLAMACIÓN ÁS CUALIFICACIÓN: 20 – 22 marzo

O alumnado poderá solicitar diante a presidencia do tribunal cualificador a revisión da cualificación obtida nunha ou varias das probas que compoñen a avaliación.

O **prazo de presentación de reclamacións** abranguerá **dende o día 20 ata as 14:00 do día 22 de marzo**.

As solicitudes de reclamación ás cualificacións deberán presentarse preferentemente a través da aplicación informática NERTA ou nos LERD cubrindo o impreso de reclamación que se facilitará a tal efecto.

PUBLICACIÓN DAS CUALIFICACIÓN DEFINITIVAS: 6 abril

As **cualificacións definitivas da Proba** serán publicadas o **día 6 de abril** (a partir das 15:00 horas).

As cualificacións poderán consultarse na web da CiUG, nos LERD e a través da aplicación informática NERTA.

REVISIÓN DOS EXAMES

O alumnado que presentase reclamación ás cualificacións da proba terá dereito a ver as probas revisadas unha vez finalizado na súa totalidade o proceso de revisión, no prazo de 10 días desde a notificación da resolución de revisión. As solicitudes, mediante escrito dirixido ao presidente do tribunal cualificador, presentaranse nos LERDs.

A data, hora e lugar para poder ver os exames, establecida pola presidencia do tribunal cualificador, será publicada na web da CiUG.

EFFECTOS DE SUPERACIÓN DA PROBA

Os candidatos/as **poderán realizar a Proba de Acceso** para Maiores de 25 anos **na universidade da súa elección**, sempre que existan nesta os estudos que desexen cursar, **correspondéndolles con carácter preferente, a efectos de ingreso, a universidade na que superasen a proba**.

Os **accesos preferentes** (só no caso de empate na nota de admisión), a efectos de ingreso, a aquelas ensinanzas universitarias oficiais de Grao do SUG ofertadas polas universidades que estean vinculadas a cada unha opcións pódense consultar na páxina web da CiUG, no apartado “Vinculación das titulacións do SUG para o acceso ao curso 2018-2019 coas opcións das probas de acceso á universidade dos maiores de 25 anos”.

Para o **acceso a Estudos Universitarios de Grao do SUG**, o alumnado que supere a proba de acceso deberá **presentar a súa solicitude de admisión no prazo do 18 ao 29 de xuño**, en calquera dos LERD existentes empregando o impreso correspondente, ou a través da aplicación informática Nerta.

Para presentaren a solicitude de admisión cómpre estaren en posesión da **certificación académica oficial de teren superadas as probas**, que será expedida na CiUG e remitida por correo postal con aviso de recibo ao domicilio dos alumnos/as a partir do 1 de abril.

Para os/as estudantes maiores de 25 anos que superen a Proba de Acceso, en virtude do disposto no Real Decreto 412/2014, de 6 de xuño (BOE nº 138, de 7 de xuño), reservárase nos estudos universitarios de Grao do SUG o **2 por 100 das prazas totais de cada titulación**.

REPETICIÓN DA PROBA PARA MELLORAR A NOTA

Unha vez superada a proba de acceso, os candidatos/as **poderán presentarse de novo en sucesivas convocatorias, coa finalidade de mellorar a súa cualificación**. Terase en conta a cualificación obtida na nova convocatoria sempre que esta sexa superior á anterior.

INFORMACIÓN

Pódese solicitar calquera información sobre esta proba aos LERD (Lugares de Entrega e Recollida de Documentación), aos Servizos de Información das tres universidades e á CiUG (Facultade de Dereito, 3º piso. Campus Universitario Sur. CP 15782 – Santiago de Compostela). Tfno. 881 81 34 52 - Fax: 881 81 47 89

Os programas das materias, orientacións e modelos de exame pódense consultar na páxina web da CiUG: <http://ciug.gal>

INFORMACIÓN

LERDs
LUGARES DE ENVÍO E RECOLLIDA DE DOCUMENTACIÓN



UNIVERSIDADE DA CORUÑA

LERD Nº 3 - CAMPUS DE ELVIÑA - A CORUÑA

Pavillón de Estudantes
Campus de Elviña
15192 - A CORUÑA

LERD Nº 4 - CAMPUS DE FERROL

Campus de Esteiro
Edificio de Usos Administrativos, planta baixa
15403 - FERROL



UNIVERSIDADE DE SANTIAGO DE COMPOSTELA

LERD Nº 1 - CAMPUS DE SANTIAGO

Servizo de Xestión Académica - OIU
Pavillón Estudiantil, 2º piso - Campus Sur
15782 - SANTIAGO DE COMPOSTELA

LERD Nº 2 - CAMPUS DE LUGO

Edificio Biblioteca-Intercentros, planta baixa
Campus Universitario
27002 - LUGO



UNIVERSIDADE DE VIGO

LERD Nº 5 - CAMPUS DE VIGO

Campus Lagoas Marcosende, s/n
Edificio Miralles
36200 - VIGO

LERD Nº 6 - CAMPUS DE OURENSE

Unidade Administrativa, planta soto
Área de Servizos á Comunidade
Campus "As Lagoas"
32004 - OURENSE



CiUG
COMISSION INTERUNIVERSITARIA DE GALICIA

LERD Nº 7 - CAMPUS DE PONTEVEDRA

Escola Universitaria de Enxeñaría Técnica Forestal
Área de Servizos á Comunidade
Campus A Xunqueira, s/n
36005 - PONTEVEDRA

COMISSION INTERUNIVERSITARIA DE GALICIA - CiUG

Facultade de Dereito, 3º piso
Campus Universitario Sur
15782 SANTIAGO DE COMPOSTELA